

Arddangosfa Millennium Falcon i agor yng ngorllewin Cymru

31/01/2022



Credyd: Shutterstock

Mewn galaksi ymhell, beth i ffwrdd o Ddoc Penfro – bydd hanes adeiladu y llong ofod eiconig yn cael ei adrodd diolch i chwaraewyr y Loteri Genedlaethol.

Y Millennium Falcon yw llong ofod y smyglwr Han Solo a'i gyfaill Chewbacca y Wookie yn y saga ffilmiau Star Wars.

Adeiladwyd y model maint-llawn cyntaf o'r llong ofod mewn sied awyrennau o'r Ail Ryfel Byd yn Noc Penfro yn 1979 ac. ar y pryd, hwn oedd y gyfrinach waethaf yng Ngorllewin Cymru. Ymddangosodd y model yn y ffilm *The Empire Strikes Back* a enillodd gwobr Oscar.

Bydd hanes adeiladu y Millennium Falcon gan grefftwyr o gwmni peirianeg lleol yn cael ei adrodd mewn arddangosfa newydd, diolch i fuddsoddiad o £8,000 gan y Gronfa Treftadaeth.

Hanes Star Wars

Canolfan Dreftadaeth Doc Penfro fydd cartref yr arddangosfa barhaol a bydd modd cerdded o amgylch yr arddangosfa y bydd yn adrodd y straeon gyda ffotograffau, ffilm, propiau a

gwisgoedd. Bydd Mark Williams, arbennigwr Star Wars lleol yn goruwchwylio'r gwaith o greu yr arddangosfa.

"Hwn oedd y gyfrinach waethaf yn hanes Doc Penfro – roedd pawb yn y dref yn gwybod eu bod yn adeiladu UFO yn y sied." Cofia Gareth Mills, sy'n un o ymddiriedolwyr Ymddiriedolaeth Treftadaeth Doc Penfro. "Mae'r stori honno'n rhan bwysig o gof byw'r dref a bydd yr arddangosfa yn hwb sylweddol i Ddoc Penfro"

"Rwy'n gobeithio y bydd yr arddangosfa yn dod yn gyrchfan newydd i gefnogwyr drwy bedwar ban y byd."

Lynwen Brennan, Is-lywydd Gweithredol a Rheolwr Cyffredinol Lucasfilm

Mae Lynwen Brennan, sy'n frodor o Sir Benfro, yn Is-lywydd Gweithredol a Rheolwr Cyffredinol Lucasfilm. "Rwyf wrth fy modd y bydd y foment a'r lle gwych yma'n hanes Star Wars yn cael eu cofnodi a'u cadw," meddai Brennan.

"Rwy'n falch fod llong mor eiconig wedi'i hadeiladu yn y dref lle cafodd fy Mam ei geni ac yn y sir lle cefais fy magu, ac rwy'n gobeithio y bydd yr arddangosfa yn dod yn gyrchfan newydd i gefnogwyr ledled y byd."

Mae disgwyl i'r arddangosfa agor yng nghanol 2022.

Ariannu eich prosiect trefadaeth

Os oes gennych chi brosiect treftadaeth yng Nghymru yr hoffech ei ariannu, [mae rhagor o wybodaeth am ein rhaglen ariannu £3,000 i £10,000 ar gael yma.](#)

Efallai y bydd gennych chi ddiddordeb hefyd mewn ...

Hyde Park Picture House

Newyddion

Hyde Park Picture House awarded £2.3million

Hyde Park Picture House in Leeds can now begin work on The Picture House Project - a vital redevelopment that will secure the future of the 104-year old cinema for decades to come. First opened in 1914, the Grade II listed picture house is one of the UK's oldest cinemas. Opening shortly before the

10/01/2019

Interior of Royal Polytechnic Cinémathèque Française

Newyddion

University of Westminster's Regent Street Cinema restoration to go ahead thanks to £1.5million grant

Housed within the University's Grade II listed flagship building in the heart of London, the cinema is considered to be the birthplace of British cinema having hosted the Lumière brothers' moving picture show in 1896 – the first public cinema performance to a paying audience in the UK. The Heritage

15/10/2012

Patron John Hurt OBE outside Cinema City Norwich

Newyddion

Cinema City charity awarded grant to preserve and share Norfolk's cinema heritage

The countywide project will enable more people to enjoy and learn from our fascinating cinema heritage both now and in the future. Norfolk at the Pictures has two main strands. The first is to create a permanent archive of local people's memories, documents and artefacts that tell the story of

04/09/2014